



## ՆՈՐԻՆ ՍՈՒՐԲ ՕԺՈՒԹՅՈՒՆ Տ. Տ. ՎԱՋԳԵՆ Ա ՀԱՅՐԱՊԵՏԻ ՄԵՍՆԱԿՑՈՒԹՅՈՒՆԸ ՄՈՍԿՎԱՅՈՒՄ ԿՆՅԱՑԱԺ ԽԱՂԱՂՈՒԹՅԱՆ ՊԵՏԱԳՆՈՒԹՅԱՆ ՍՈՎԵՏԱԿԱՆ ԿՈՄԻՏԵԻ ՀԱՄԱԳՈՒՄԱՐԻՆ

Սույն թվականի մայիսի 24-ին, կիրակի օրը, խաղաղության պաշտպանության Սովետական կոմիտեի պաշտոնական հրավերով, Ազգիս Սրբազնագույն Հայրապետը ուղևորվեց Մոսկվա՝ մասնակցելու խաղաղության պաշտպանության Սովետական կոմիտեի ընդլայնված նիստին, որ նվիրված էր վերջերս Ստոկհոլմում գումարված հորեկյանական սեսիայի արդյունքներին և ՍՍՌՄ խաղաղության կողմնակիցների խնդիրներին:

Մայիսի 24-ն է, Հայաստան աշխարհի արևոտ օրերից մեկը: Այսօր Մայր Աթոռ իր ողջ անձնակազմով սովորականից շուտ է արթնացել և պատրաստության մեջ է՝ բարի ճանապարհ մաղթելու իր շատ սիրելի Հայրապետին:

Երևանի օդանավակայանում նորին Սրբությանը ճանապարհում է Հայկական ՍՍՌ Մինիստրների Սովետին առնթքեր Հայ Եկեղեցու գործերի խորհրդի նախագահ պր. Ս. Գասպարյանը: Օդանավակայանում են նաև Գերագույն Հոգևոր Խորհրդի անդամները, Երևանի քահանայական դասը և Մայր Աթոռի միաբանությունն ու պաշտոնեությունը, թեմական ու եկեղեցական խորհուրդների անդամները՝ Արարատյան թեմի առաջնորդական փոխանորդ հոգեշնորհ Տ. Վահան վարդապետի գլխավորությամբ, և բավական մեծ թվով հավատացյալներ: Տեղական ժամանակով ժամը 8.15-ին ինքնաթիռը կտր-

վում է Մայր Հողից և ուղղություն վերցնում դեպի հյուսիս-արևմուտք՝ դեպի Մոսկվա: Երեկոյան ժամը 5-ին վայրէջք ենք կատարում մեծ մայրաքաղաքի օդանավակայանում:

Մայիսի 26-ին, երեքշաբթի օրը, առավոտյան պաշտոնական այցով Վեհափառ Հայրապետին է այցելում խաղաղության պաշտպանության Սովետական կոմիտեի գլխավոր քարտուղար պր. Կոտովը և հայտնում նորին Սրբությանը ժողովի ծրագրերի մասին: Նույն օրը, հետ ճաշու ժամը 3-ին, Վեհափառ Հայրապետը, ընկերակցությամբ գերաշնորհ Տ. Սահակ արքեպիսկոպոսի և հոգեշնորհ Տ. Նիկիտ վարդապետ Սարգսյանի, առաջնորդվում է դեպի Արվեստի աշխատողների տունը, որտեղ բացվում է խաղաղության պաշտպանության Սովետական կոմիտեի ընդլայնված նիստը: Նախագահության սեղանի շուրջը, նախագահի աջ կողմում, տեղ է հատկացվում Ազգիս Սրբազնագույն Հայրապետին և Ռուս Պապովսկի Եկեղեցու Պետ նորին Սրբություն Ալեքսի Պատրիարքին, գիտության գործիչների, գրողների, հասարակական գործիչների և արտասահմանյան պատգամավորության ղեկավարների: Հսկա դահլիճի բոլոր աթոռները զբաղված են: Սովետական անծայր Հայրենիքի լավագույն ուսուրերն ու դուստրերը այդ գեղեցիկ դահլիճի կամարների տակ են հավաքվել՝ իրենց և իրենց ժողո-

վերջների ձայնը լսելի դարձնելու համար, հանուն խաղաղության: Սովետական ժողովրդի ընտրյալ պատգամավորների շարքին դահլիճում նստած են նաև Ամերիկայի, Խաղաղության կողմնակիցների խորհրդի, Անգլիայի, Կանադայի, Վիետնամի, Ծապոնիայի, Իրաքի և այլ երկրների պատգամավորներ: Միևնույն դահլիճում և միևնույն սեղանի շուրջը բով-բովի են եկել տարբեր դավանությունների, համոզմունքների տեր տարբեր ժողովուրդների ներկայացուցիչներ՝ միահամուռ կերպով պաշտպանելու համար աշխարհի և մարդկանց կյանքի խաղաղությունը: Նախագահող հայտնի գրող Տիխոնովի կարճ բացման խոսքից հետո, խոսքը տրվում է խաղաղության Համաշխարհային Խորհրդի Նախագահության անդամ, խաղաղության պաշտպանության Սովետական կոմիտեի նախագահի տեղակալ ակադեմիկոս Ա. Ե. Կորնեյչուկին: Նա մանրամասն ծանրանում է խաղաղության կողմնակիցների տասը տարվա գործունեության վրա և խոսում այն մասին, որ խաղաղության կողմնակիցների շարժումը էֆեկտիվ կերպով սկսվել է տասը տարի առաջ և այս անցած տարիների ընթացքում խաղաղության կողմնակիցները ունեցել են իրենց զոհերը, բայց և այնպես խաղաղության կողմնակիցների անպարտելի բանակը ավելացել է խաղաղության նոր մարտիկներով:

Հանդիսավոր նիստում իրենց հեղինակավոր խոսքն են ասում խաղաղության Համաշխարհային Խորհրդի գլխավոր պրեզիդենտ, անգլիացի ականավոր գիտնական պրոֆ. Ջոն Բեռնարդ, ՀԱՄԿԽ-ի քարտուղար Լ. Ն. Սոլովյովը, Սովետական գիտնականների անունից՝ Նոբելյան մրցանակի լաուրեատ Ն. Ն. Սեմյոնովը, Ռուս Պրավդայի Եկեղեցու Պետ Նորին Սրբությունը, Ալեքսի Պատրիարքը, Վիետնամի և Ծապոնիայի խաղաղության կողմնակիցների պատվիրակությունների ղեկավարներ Լե-Դին-Տամը, Տոգո Կապայասին և շատ ուրիշներ:

Նիստի երկրորդ մասում խոսքը տրվում է Վեհափառ Հայրապետին: Նորին Սրբությունը, հանուն Հայաստանյայց Առաքելական Ս. Եկեղեցու, հավատացյալ հայ ժողովրդի և Ս. Էջմիածնի, ռուսաց լեզվով սկսում է իր ողջույնի խոսքը և ապա հայերենով շարունակում իր ելույթը: Նորին Սրբության միջոցով ներկաների առջև ներկայանում է խաղաղության տենչացող ինքը հայ ժողովուրդը: Նա, հայ ժողովուրդը, ամենից ավելի սիրելի ու փայփայել է խաղաղությունը, որովհետև ամենից շատ է տուժել պատերազմների արհավիրքներից: Փոքրիկ, անպաշտպան մի ժողովուրդ, որ դարերի ըն-

թացքում միշտ հռչակվել է: Ուժ հայտնի չէ առաջին համաշխարհային պատերազմի ընթացքում միլիոնավոր անմեղ հայ բնակչության սրախողող լինելը Արևմտյան Հայաստանում, ո՞վ կարող է մոռանալ երկրորդ համաշխարհային պատերազմը, երբ հարյուրավոր քաղաքներ ու դրախտանման գյուղեր հողին հավասարվեցին, մշակույթի անկրկնելի կոթողներ կործանվեցին, անթաղ ու անշիրիմ մնացին միլիոնավոր դիակներ, բանականություն ունեցող ո՞ր մահկանացուն կարող է մոռանալ, որ երկրորդ համաշխարհային պատերազմը միլիարդների հասնող նյութական վնասներից բացի, մարդկությանը զրկեց աշխարհում ամենաթանկագինից՝ ծաղիկ երիտասարդությունից: Դեռ մինչև այսօր մայրերը ողբում են իրենց մատաղ որդիների կորուստը, որոնք մեռան, որպեսզի է՛լ երբեք ու երբե՛ք աշխարհի մայրերը այլևս առիթ չունենան արտասուք թափելու: Նորին Սրբությունն իր խոսքը վերջացնում է կոչ անելով աշխարհի երկու մեծ պետությունների՝ Սովետական Միության և Ամերիկայի Միացյալ Նահանգների՝ ղեկավարներին՝ հանդիպման և բանակցությունների միջոցով լավագույն կերպով լուծում տալու խաղաղության վերաբերյալ հարցերին:

Նիստի վերջում խոսքը տրվում է Սովետական Միության խաղաղության կողմնակիցների պատասխանատու քարտուղար Մ. Ի. Կոտովին, որը շնորհակալություն է հայտնում ելույթ ունեցողներին և բուռն ծափահարությունների տակ հայտարարում է, որ Ստոկհոլմի խաղաղության Համաշխարհային Խորհուրդն իր վերջին հոբելյանական սեսիայում պարգևատրել է շքանշաններով մի խումբ սովետական խաղաղության կողմնակիցների, որոնք առավել աչքի են ընկել որպես խաղաղության և ժողովուրդների բարեկամության ճշմարիտ կողմնակիցներ, և որոնք իրենց զրշով, խոսքով ու գործերով նպաստել են խաղաղության դատին: Պարգևատրվողների թվումն է նաև Ամենայն Հայոց խաղաղասեր Հայրապետը, որն առաջին դիրքերում է գտնվել խաղաղության պաշտպանության պայքարը սկսվելու առաջին իսկ օրերից, երբ դեռ առաջնորդն էր ռուսինահայ թեմի Վեհափառ Հայրապետից բացի, մեր ժողովրդի տաղանդավոր զավակներից երկուսը՝ կոմպոզիտոր Արամ խաչատրյանն ու Հայկական ՍՍՌ Գիտությունների ակադեմիայի պրեզիդենտ Վիկտոր Համբարձումյանը ևս արժանացել են այդ բարձր պարգևին: Դահլիճում ներկաները բուռն օվացիայով են ընդունում մեր ժողովրդի լավագույն զավակների անունները, որոնց

քրտնաջան աշխատանքը զնահատվել է խաղաղության Պաշտպանության Համաշխարհային մշտական կոմիտեի կողմից և այսօր նրանց կրծքերը զարդարվում են շքանշաններով, որպես լավագույն բարեկամները ողջ աշխարհի խաղաղասեր ժողովուրդների Պր. Մ. Ի. Կոտովը ջերմորեն շնորհավորում է պարզևատրվողներին և ցանկանում, որ նրանք է՛լ ապելի պայքարեն խաղաղության համար, որից և կախված է աշխարհի ժողովուրդների կյանքը և երջանկությունը։

Խորհրդակցությունը մոտենում է իր ավարտին։ Ընդունվում է համապատասխան որոշում՝ բարձր մակարդակով խորհրդակ-

յի և Համայն Ռուսիո Պատրիարք Նորին Սրբություն Ալեքսիին։ Երկու Հայրապետները՝ գրկախառնվում ու համբուրվում են։ Ապա տեղի է ունենում եղբայրական ու սիրալիր զրույց։ Նորին Սրբություն Ալեքսի Պատրիարքը խոսում է այն մասին, թե ինքը տեղյակ է Նորին Վեհափառություն Վազգեն Հայրապետի շինարարական ու դաստիարակչական ծրագրերի և գործունեության մասին և հայտնում է իր խնդակցությունը և բարեմաղթությունները։ Սիրալիր մթնոլորտում տեղի ունեցած զրույցը վերջանում է Նորին Վեհափառության հրաժեշտի խոսքերով, քաջաողջություն և հաջողու-



ԱՄԵՆԱՅՆ ՀԱՅՈՑ ՀԱՅՐԱՊԵՏԸ ԿԱՐԴՈՒՄ Է ԻՐ ԶԱՌԸ ԽԱՂԱՂՈՒԹՅԱՆ ՊԱՇՏՊԱՆՈՒԹՅԱՆ ՍՈՎԵՏԱԿԱՆ ԿՈՄԻՏԵԻ ՀԱՄԱԳՈՒՄԱՐՈՒՄ

ցություն հրավիրելու՝ «սառը պատերազմ»-ի վերացման համար։ Խորհրդակցությունից հետո տրվում է ճոխ համեմդ մայրաքաղաքի արվեստի աշխատողների լավագույն ուժերով։

ՎԵՀԱՓԱՌ ՀԱՅՐԱՊԵՏԻ ԱՅՅԵԼՈՒԹՅՈՒՆԸ ՆՈՐԻՆ ՍՐԲՈՒԹՅՈՒՆ ԱԼԵՔՍԻ ՊԱՏՐԻԱՐԷԻՆ

Հինգշաբթի, մայիսի 28-ին, Վեհափառ Հայրապետը, ընկերակցությամբ լուսարարապետ գերաշնորհ Տ. Սահակ արքեպիսկոպի և հոգեշնորհ Տ. Եղիշե վարդապետի, պաշտոնական այցելություն տվեց Մոսկվա-

թյուն մաղթելով Պրավոսլավ Եկեղեցու Պետին և կրկին ողջագուրվելով հրաժեշտ անում նրանից։

ՎԵՀԱՓԱՌ ՀԱՅՐԱՊԵՏԻ ՊԱՇՏՈՆԱԿԱՆ ԱՅՅԵԼՈՒԹՅՈՒՆԸ ՍՍՈՒ ՄԻՆԻՍՏՐՆԵՐԻ ՍՈՎԵՏԻՆ ԱՌԵՆԹԵՐ ԿՐՈՆԱԿԱՆ ՊԱՇՏԱՄՈՒՆՔՆԵՐԻ ԳՈՐԾԵՐԻ ԽՈՐՀՐԴԻ ՆԱԽԱԳԱՀ ՊՐ. Ա. Ա. ՊՈՒՋԻՆԻՆ

Ուրբաթ, մայիսի 29-ին, ցերեկվա ժամը 11-ին, Վեհափառ Հայրապետը, ընկերակցությամբ Մոսկվայի հոգևոր հովիվ հոգեշնորհ

Տ. Պարզե վարդապետ Գևորգյանի և հոգեշնորհ Տ. Եղիշե վարդապետ Սարգսյանի, պաշտոնական այցելություն տվեց ՍՍՍՄ Մինիստրների Սովետին առընթեր կրոնական պաշտամունքների գործերի խորհրդի նախագահ պր. Ա. Ա. Պուզինին: Խորհրդի շենքի շքամուտքի մոտ Վեհափառ Հայրապետին դիմավորում է նույն խորհրդի պատասխանատու աշխատակից պր. Սոլովովը: Վեհափառ Հայրապետը առաջնորդվում է ընդունելության պաշտոնական սրահ, որտեղ խորհրդի նախագահ պր. Ա. Ա. Պուզինը բարի գալուստ է մաղթում Վեհափառ Հայրապետին: Նորին Ս. Օծուխյան և պր. նախագահի միջև տեղի ունեցավ զրույց, որից հետո նորին Ս. Օծուխյանը հայտնեց իր շնորհակալությունը և հրաժեշտ առավ պր. նախագահից:

**ՇՎԵԴԱԿԱՆ ԲՈՂՈՔԱԿԱՆ ԵԿԵՂԵՑՈՒ  
ՊԱՏԳԱՄԱՎՈՐՈՒԹՅԱՆ ԱՆԴԱՄՆԵՐԻ  
ՀԱՆԴԻՊՈՒՄԸ ՎԵՀԱՓԱՌ ՀԱՅՐԱՊԵՏԻ ՀԵՏ**

Ուրբաթ, մայիսի 29-ի երեկոյան ժամը 20.30-ին, Մոսկվայի «Ուկրաինա» հյուրանոցի սրահներից մեկում, տեղի ունեցավ ընդունելություն ի պատիվ Վեհափառ Հայրապետի և շվեդական բողոքական եկեղեցականների պատգամավորության: Ընդունելությունը կազմակերպել էր Ռիգայի և համայն կառավարչի արքեպիսկոպոս Գուստավ Տուրսը: Ընդունելությանը ներկա էին նաև Ռուս Պրավոսլավ եկեղեցու բարձրաստիճան ներկայացուցիչներ և Պատրիարքարանին կից արտաքին հարաբերությունների պաշտոնյաները: Ընդունելությունից տասնըհինգ րոպե առաջ, Ռիգայի և համայն կառավարչի արքեպիսկոպոս Գուստավ Տուրսը այցելում է նորին Ս. Օծուխյան Վեհափառ Հայրապետին և առաջնորդում նրան ընդունելության սրահ: Վեհափառ Հայրապետին ընկերակցում էին գերաշնորհ Տ. Սահակ արքեպիսկոպոս Տեր-Հովհաննիսյանը և հոգեշնորհ Տ. Եղիշե վարդապետ Սարգսյանը: Ռիգայի արքեպիսկոպոս Գուստավ Տուրսը հյուրերին ներկայացնում է Վեհափառ Հայրապետին և սկսվում է սիրալիր խոսակցություն Հայոց եկեղեցու Պետի և ներկաների միջև գերմաներեն լեզվով: Կարճատև զրույցից հետո, ներկաները հրավիրվում են ճոխ բարիքներով բեռնավորված սեղանի շուրջ: Առաջին կենացը առաջարկվում է Հայոց եկեղեցու և նորին Ս. Օծուխյան Տ. Տ. Վազգեն Ա Հայրապետի կենացը: Երկար ժամանակ ամբողջ սեղանի շուրջ խոսակցության առարկան է Հայաստանյայց Առաքելական եկեղեցին և Ս. Էջմիածինը: Ներ-

կաները խորին շնորհակալություն են հայտնում կառավարչի արքեպիսկոպոս գերաշնորհ Գուստավ Տուրսին, որ աչքան սիրալիր կերպով կարգադրել էր այս հանդիպումը Ամենայն Հայոց Հայրապետի հետ: Ապա առաջարկվում են բաժակներ Ռուս Պրավոսլավ եկեղեցու Պետի, Ռիգայի արքեպիսկոպոս Գուստավ Տուրսի և հյուրերի կենաց: Վերջում խոսք է առնում Վեհափառ Հայրապետը և իր գոհունակությունն ու ուրախությունն է հայտնում արքեպիսկոպոս Գուստավ Տուրսին՝ իր կազմակերպած այս ընդունելության համար: Ապա Վեհափառ Հայրապետը հյուրերին նվիրում է Ս. Էջմիածնի պատկերով արծաթյա ասիսներ և իր մակագրությամբ Մայր Տաճարի պատկերներ: Ներկաները խորին շնորհակալություն են հայտնում Հայոց Հայրապետին թանկագին նվերների համար: Վերջում Վեհափառ Հայրապետը արքեպիսկոպոս Գուստավ Տուրսին և շվեդացի բարձրաստիճան եկեղեցականներին հրավիրում է այցելել Մոսկվայի Հայաստան և Ս. Էջմիածին: Գիշերվա ժամը 12-ին ընդունելությունը վերջանում է և ներկաները հրաժեշտ են առնում Վեհափառ Հայրապետից անմոռանալի տպավորություններով:

**ՀԱՅՐԱՊԵՏԱԿԱՆ ՍՈՒՐԲ ՊԱՏԱՐԱԳ  
ՄՈՍԿՎԱՅԻ ՀԱՅՈՑ ՍՈՒՐԲ ՀԱՐՈՒԹՅՈՒՆ  
ԵԿԵՂԵՑՈՒՄ**


Մայիսի 31-ի, կիրակի, Մոսկվայի հայ գաղութի համար հիշատակելի օր է, որովհետև մայրաքաղաքի հայկական գաղութը ապրեցավ այն երջանիկ օրը, որին շատ վաղուց էր սպասում: Մոսկվայի Հայոց եկեղեցին լեփ-լեցուն էր հայերով, որոնք մայրաքաղաքի տարբեր ծայրերից շտապել էին հայոց եկեղեցի՝ դիմավորելու Վեհափառ Հայրապետին և համբուրելու նրա Ս. Աչքը:

Առավոտյան ժամը 12-ն է: Վեհափառ Հայրապետը «Հրաշափառ»-ով առաջնորդվում է Մոսկվայի Հայոց Ս. Հարություն եկեղեցին: Եկեղեցական թափորը անցնում է ժողովրդական հսկա զանգվածի միջով: Վեհափառ Հայրապետին մատուցվում են թարմ ծաղկեփնջեր: Եկեղեցական թափորը, մարդկային հոսանքը ճեղքելով, անցնում է առաջ, իր շուրջը թողնելով քուլա-քուլա բարձրացող խնկի անուշ բուրմունքը: Նորին Սրբությունը տաճարում «Ուրախ եղէ ես ոյք ասէին ցիս» սաղմոսը կարդալուց, աղոթելուց ու ժողովրդին օրհնելուց հետո առաջնորդվում է ավանդատուն:

Սուրբ պատարագի հոգեպարար ժամն է: Եկեղեցին և բակը լեփ-լեցուն են. ինչպես ասում են՝ «ասեղ գցելու տեղ չկա», ամեն

որ աշխատում է միայն երկու ոտի տեղ ունենալ տաճարի ներսում, մասնակից լինելու Վեհափառ Հայրապետի մատուցած պատարագին և սիրեցյալ Հայրապետի հետ միասին աղոթելու աշխարհի խաղաղության, հայ ժողովրդի երջանկության և մեր Հայրենիքի ու մեր Ս. Եկեղեցու անսասանության համար: Սեղանին սպասարկում են գերաշնորհ Տ. Սահակ արքեպիսկոպոս Տեր-Հովհաննիսյանը և հոգեշնորհ Տ. Պարգև ու Տ. Եղիշե վարդապետները: Ամեն ոք աղոթում է, հնչում են սուրբ պատարագի հոգեգմայլերգերը, որոնց մեջ հայ հոգին է ղրված:

մեջ բարոյական, ազգային և գաղափարական կյանքը, բաց անում նրանց սրտերում կրոնա-ավանդական հիշատակները: Այսօր Մոսկվայի հավատացյալ հայութունը այս սուրբ տաճարն է եկել Ձերդ Վեհափառության առաջ սփռելու իր լավագույն զգացմունքներին՝ ջերմ հավատի, սիրո և եղբայրական ուխտի խնկաբույր ծաղիկները: Դուք, Վեհափառ Տե՛ր, եկե՛լ եք Մայր Աթոռից, հայոց Լուսո Մայր, հայ ժողովրդի հոգևոր կյանքի հաղթանակի հուշարձան Ս. Էջմիածնից, այնտեղից մեզ համար ողջուն եք բերել: Ի՞նչը կարող է քրիստոնյա հայի հա-



ԽԱՂԱՂՈՒԹՅԱՆ ՍՈՎԵՏԱԿԱՆ ԿՈՄԻՏԵ

ՀԱՄԱԳՈՒՄԱՐԻ ՆԱԽԱԳԱՀՈՒԹՅՈՒՆԸ

Սուրբ պատարագը շարունակվում է մինչև «Հայր մեր»: Հանուն Մոսկվայի հայ գաղութի, ողջունի և բարի գալստյան սրտագին խոսք է ասում Մոսկվայի հայոց հոգևոր հովիվ հոգեշնորհ Տ. Պարգև վարդապետ Գեփորգյանը:

«Թույլ տվեք, հանուն Մոսկվայի հայ գաղութի, սրտագին ողջունելու Ձեր շնորհաբեր գալուստը մեր մեծ Հայրենիքի մայրաքաղաք Մոսկվա, Ձեր ժողովրդի, Ձեր զավակների մեջ: Ձերդ Վեհափառության այս այցելությունը հրճվանքով է լցնում մեր բոլորի սրտերը և մի է համախմբում Մոսկվայի հավատացյալ ժողովրդին, արժարժում նրանց

մար ավելի Թանկագին լինել, քան այն ողջունները, որ բերել է Ձերդ Սրբությունը հայ ժողովրդի Սրբություն Սրբոց Մայր Տաճարից: Այստեղ, այս սրբազան կամարների տակ հավաքված, ավանդապահ և հավատավոր հայությունը եկել է ընդունելու Ձերդ Վեհափառության բերած ողջունները, լսելու Ձեր մխիթարիչ և հավատի կոշիղ խոսքերը: Հայ հավատացյալ ժողովրդի համար միշտ էլ նվիրական են եղել Ս. Էջմիածնի անունը և նրա հետ կապված խորհուրդները, ինչպես նաև Ամենայն Հայոց Հայրապետի անձնավորությունն ու հեղինակությունը: Ամենայն Հայոց Կաթողիկոսի անձ-

նախորդության և հեղինակության հանդեպ ցույց տրված որդիական սերն ու նվիրվածությունը իմաստ են ստացել հայ մարդու համար: Ահա այդ է պատճառը, որ մեր ժողովրդի թե՛ աշխարհիկ և թե՛ հոգևոր ներկայացուցիչները մշտական անդամներն են խաղաղության համագումարների՝ որպես խաղաղության ջերմ կողմնակիցների և պաշտպանների: Վեհափառ Տե՛ր, Դուք, որպես հայ ժողովրդի հայրենասիր զավակի, մեր Հայրենիքի վերածնության, ծաղկման և բարօրության գործին նվիրված անձնավորություն, միշտ էլ եղել եք խաղաղության պաշտպանության մարտիկների առաջավոր շարքերում: Այսօր բովանդակ հայությունը սրտի անհուն բերկրանք է զգում իմանալով, որ խաղաղության Համաշխարհային հորհրդի մշտական կոմիտեն, վերջերս կայացած Ստոկհոլմի իր որոշման մեջ, Ձերդ վեհափառությանը պարգևատրել է խաղաղության պաշտպանության շքանշանով: Ձերդ Սրբության այդ մեծ պարգևատրումը ավելի մեծ իրավունք է տալիս Ձեզ որպես հայ մարդ, որպես մեր Ազգի Հովվապետը, խաղաղության և եղբայրսիրության հրավիրելու Սփյուռքում ցրված մեր քույրերին և եղբայրներին, հիշեցնելով նրանց հայրենասեր մեծ բանաստեղծի հետևյալ պատգամը՝

«Տուր ինձ քո ձեռքդ, եղբայր եմք միք,  
Որ մորկավ էինք զատված,  
Բախտին ամեն ոխ շարանենգ,  
Ի մի համբույր ցրվին ի բաց»:

Ձեր՝ Մոսկվա շնորհաբեր զալստյան առթիվ արտահայտելով մեր արտաբուխ երախտագիտական խոսքը, մաղթում ենք Ձերդ Ս. Օծուխյան արևշատություն, հոգու արիություն, ուժ ու եռանդ՝ որպեսզի իրականություն դառնան Ձեր ազգանվեր ծրագրերը՝ ի փառս Ս. Սկեղեցու և հուրախություն մեր հավատացյալ ժողովրդի. ամեն»:

Ապա ընդհանուր լուծության և վեհության մեջ խոսում է Վեհափառ Հայրապետը, նախ իր հայրապետական ողջուններն ու օրհնությունները բաշխելով բոլոր ներկաներին.

«Ողջո՛ւյն և օրհնություն ենք բերում ձեզ, սիրելի՛ հավատացյալներ, ամենայն հայոց Ս. Էջմիածնից և մեր հարազատ Մայր Հայրենիքից, մեր Արարտյան չքնաղ աշխարհից: Վերջին օրերում էջմիածնում և Երևանում՝ նույնպես երկինքը ծածկված էր անձրև-վաթեռ ամպերով, բայց այն օրը երբ պիտի բաժանվենք Ս. Էջմիածնից և Երևանից, երկինքը պայծառացել էր և Արարատը իր հրաշալի գեղեցկությամբ մեր առջև էր

գտնվում ամբողջովին: Եվ անա, վեհ Արարտի գմայելի տեսարանը Մեր աչքերում՝ եկանք Մոսկվա, այս գեղեցիկ քաղաք, եկանք սակայն Արարտի տեսիլով և նրա գեղեցկության և փառքի զգացումով: Ողջո՛ւյն հավերժական Արարտից, որը սիմվոլն է մեր Հայրենիքի հավիտենականության: Վստահ ենք, որ դուք բոլորդ, որ հավաված եք այստեղ, Բրիտանյա հավատացյալներ եք և լավ հայեր, և ձեր կրթի տակ հայի սիրտ է բարխում, չնայած հեռու եք Հայաստանից: Ուրախ ենք, որ եկել ենք այս փոքրիկ եկեղեցին, որպեսզի միասին աղոթենք մեր հոգիների փրկության, մեր բարի գործերի հաջողության և մեր մեծ հորհրդային Հայրենիքի վերելքի, բարօրության և համայն աշխարհի խաղաղության համար:

Հոգեշնորհ Ս. Պարզև վարդապետից գնհ ենք, որ գեղեցիկ խոսքերով բարգմանը եղավ ձեր բոլորիդ: Վստահ ենք, որ այդ խոսքերը բխում էին նաև ձեր սրտերից: Թող Աստված միշտ պահպանի և օգնի, որպեսզի այս անցավոր աշխարհում մեր խղճի պարտքը կատարենք ղեպի մեր Ազգը, ղեպի մեր եկեղեցին, ղեպի մեր Հայրենիքը, որը շատ դժբախտ օրեր է ունեցել մեր անցյալ պատմության շրջաններում, բայց այսօր, մոտ քառասուն տարի է արդեն, որ նա հասել է ապահովության և բարօրության ափին, վերածնվել է և վերակառուցվում ու կերպարանափոխվում է ամեն օր:

Նրե ուրիշ ֆաղափներից ու երկրներից այցելության եկողը մեկ կամ երկու տարի վերջ կրկին գալու լինի, կտեսնի, քե ուրհան է ծաղկել ու անհանաչելի դարձել մեր Հայրենիքը և հայ ժողովրդի ծաղիկ ֆաղափ սիրուն Երևանը, շնորհիվ հորհրդային կառավարության անընդ ջանքերի: Մենք բոլորս հպարտանում ենք զրանով: Մենք էլ՝ հոգեվարականներս, մեր աշխատանքի բաժինն ենք բերում, որպեսզի անցյալի կործանված և ավերակ մեր Հայրենիքը վերաշինվի ավելի շուտ, ավելի կատարյալ: Նույն ոգևորությամբ Մենք աշխատում ենք նաև Մայր Աթոռում՝ վերաշինելու և ծաղկեցնելու համար Հայաստանյայց եկեղեցին և Ս. Էջմիածինը, որը 1600 և ավելի տարիներ հայ ժողովրդի Սրբություն Սրբոցն է: Մենք մեր սրբազան պարտքն ենք համարում նորոգել ու շենացնել մեր հոյակապ տաճարները: Մոտ երկու միլիոն հայեր այսօր ապրում են Հայաստանում, իսկ մոտ երեք միլիոն հայեր ապրում են Հայաստանից դուրս, հորհրդային երկրի զանազան ռեսպուբլիկաներում և արտասահմանի հեռավոր հորիզոնների տակ, մինչև Ատլանտյան և Խաղաղական



օվկիանոսների ավերին և Աֆրիկայում: Սփյուռքի այդ ավելի քան մեկ և կես միլիոն հայ ժողովուրդը միանում է իր սուրբ հավատով և պահպանում է իր մայրենի լեզուն և հայրենասիրությունը: Էջմիածինը հայ ժողովրդի հայրենասիրության կովանն է երեկ, այսօր, միշտ և հավիտյան: Երեք անգամ ենք եղել այստեղ: Առաջին անգամ փակ էր այս եկեղեցին ու կիսավեր վիճակում, երկրորդ անգամ նոր էր բացվել: Դա 1956 թվականին էր, երբ նոր էին վերադարձել արտասահմանյան Մեր ուղևորությունից: Այս երրորդ անգամն է, որ այցելում ենք և շատ ուրախացանք, որովհետև շատ բան կտեսնենք փոխված եկեղեցու և գերեզմանատան մեջ, շնորհիվ հայր Պարգևի, Խաչատուր ավագ քահանայի և եկեղեցական խորհրդի ծաջան աշխատանքի և մանավանդ ձեր բոլորի անմիջական օժանդակության:

Սիրելի՛ ժողովուրդ, եկեղեցին ժողովրդով է եկեղեցի, նշանով է պայծառանում: Վստահ ենք, որ այսուհետև ևս յուրաքանչյուր իր պարտքը կկատարի եկեղեցու նկատմամբ և եկեղեցական խորհուրդը, հայր Պարգևի գլխավորությամբ, հնարավորություն պիտի ունենա ավելի բարեկարգելու թե՛ եկեղեցին թե՛ գերեզմանատունը: Վստահ ենք, թե Մոսկվայի մեր հայ եղբայրներն ու Բույրերի մոտ են կանգնած եկեղեցուն և կօգնեն այս սուրբ գործին: Հեռու տեղերից գալիս են Մոսկվա և այցելում ձեր եկեղեցին, գերեզմանատունը, որտեղ կան հիշատակության արժանի հայտնի հայ մտավորականների և հասարակական գործիչների շիրիմներ: Մոսկվայի հայերի պատիվն է, որ այս սուրբ հաստատությունը պահվի ավելի ծաղկյալ և բարգավաճ վիճակում:

Սիրելի՛ ժողովուրդ, ինչպես հայր Պարգևը իր խոսքի մեջ անդրադարձավ, մենք ուրախությամբ մասնակցեցինք Խաղաղության պաշտպանության Սովետական կոմիտեի համագումարին և մեր խոսքը բերեցինք հանուն Հայաստանյայց Առաքելական Ս. եկեղեցու, հանուն Ս. Էջմիածնի և հանուն հայ ժողովրդի: Հայ ժողովուրդը Խաղաղության սուրբ գործում, ինչպես աշխարհի բոլոր ժողովուրդները, պետք է կանգնի պայքարի առաջին գծի վրա, որովհետև հայ ժողովուրդը ավելի կարիք ունի Խաղաղության և Խաղաղ կյանքի, քան այլ ժողովուրդներ: Արտասահմանի մեր բոլոր եղբայրներն ու Բույրերը, մեր եկեղեցին և մեր բոլոր հագվորականները Մեր գլխավորությամբ ոգեվորված են Խաղաղության իդեալներով, որ Բիստոնեությունն է համամարդկային իդեալն է: Յուրաքանչյուր մարդ, մանավանդ հայ մարդ, որտեղ էլ որ գտնվի, իր

տեղից պիտի պաշտպանի Խաղաղության դիրքերը:

Սիրելի՛ ժողովուրդ, Մենք վերաբնակվում ենք Մեր խոսքը, կրկին հայտնելով Մեր ջերմ ողջույններն ու օրհնությունները: Թող Աստված ձեր բոլոր պահն պահպանե քաղաքում, երկար և Խաղաղ օրերով, որպեսզի դուք բոլորդ տեսնեք ձեր բարի նպատակներին ու ծրագրերի լիակատար իրականացումը և միշտ երջանիկ ապրեք: Ճիշտ է՝ Էջմիածինը ձեզանից հեռու է, մոտ երեք հազար կիլոմետր: Եթե ոչ ամեն տարի, գոնե մի քանի տարին մեկ անգամ եկեք Ս. Էջմիածին և Հայաստան, որպեսզի միասին ուրախանաք մեր վերածաղկած Մայր Հայրենիքով՝ հավերժական Արարատի փեշերին:

Ողջ լեռնալ բոլորդ, այժմ և միշտ և հավիտյան հավիտենից, ամենա:

Հայրենասիրական ու կրոնաշունչ խոսքի կարոտ այս ժողովուրդը գերազույն լարումով լսում է իր մեծ Հովնապետի պատգամները:

Սուրբ պատարագի վերջավորությանը, աջահամբույրի պահին, Նորին Ս. Օծուխյունը Ս. Էջմիածնից բերած Խաչիկներ բաժանեց ներկաներին:

ՎԵՀԱՓԱՌ ՀԱՅՐԱՊԵՏԻ ԱՅՑՆՈՒԹՅՈՒՆԸ  
ՀԱՅԿԱԿԱՆ ՍՍՈՒԻ ԿԱՌԱՎԱՐՈՒԹՅԱՆ  
ՄՈՍԿՎԱՅԻ ՄՇՏԱԿԱՆ ՆԵՐԿԱՅԱՑՈՒՑԻՉ  
ՊՐ. ՄԵԼՔՈՒՄՅԱՆԻՆ

Երեքշաբթի, հունիսի 2-ին, Վեհափառ Հայրապետը, ընկերակցությամբ հոգեշնորհ Տ. Նղիշե վարդապետ Սարգսյանի, այցելություն տվեց Հայաստանի կառավարության Մոսկվայի մշտական ներկայացուցիչ պր. Մելքոնյանին: Ցերեկվա ժամը 12-ին պր. ներկայացուցիչը ընդունում է Վեհափառ Հայրապետին: 45 րոպե տևող սիրալիր խոսակցությունից հետո, հրաժեշտ ենք առնում ու բաժանվում Հայաստանի կառավարության ներկայացուցիչ լավագույն տպավորություններով:

ՀՐԱԺԵՇՏԻ ՃԱՇԿԵՐՈՒՅԹ ԿԱԶՄԱԿԵՐՊՎԱՍ  
ՎԵՀԱՓԱՌ ՀԱՅՐԱՊԵՏԻ ՄԵԿՆՄԱՆ ԱՌԹԻՎ

Զորքշաբթի, հունիսի 3-ին, Մոսկվայի հայոց Ս. Հարություն եկեղեցու եկեղեցական խորհուրդը հրաժեշտի երեկո էր կազմակերպել ի պատիվ Վեհափառ Հայրապետի: Նույն օրը, երեկոյան ժամը 5-ին, Նորին Սրբությունը բարեհաճեց ընդունել Մոսկվայի հայոց եկեղեցական խորհրդի և վերստուգիչ հանձնաժողովի պատվարժան անդամներին և նախագահել եկեղեցական խորհրդի և վերստուգիչ հանձնաժողովի համախառն նիստին: Վեհափառ Հայրապետը մանրա-

մասն լսելով եկեղեցական խորհրդի և վերըստուգիչ հանձնաժողովի գործունեության մասին, տվեց իր օրհնությունը խորհրդի այնքան նվիրված և շինարար աշխատանքի համար և համոզմունք հայտնեց, որ առաջիկային է՛լ ավելի կազմակերպված պիտի տեսնի Մոսկվայի հայ գաղութը, որն այնքան փայլուն եկեղեցական և ազգային անցյալ է ունեցել:

Նույն երեկոյան, Նորին Վեհափառության ի պատիվ, ընդունելություն էր կազմակերպել եկեղեցական խորհուրդը: Սեղանի շուրջը եկեղեցական խորհրդի անդամներից, հոգեվորականներից, հավատացյալների ներկայացուցիչներից զատ կային նաև հրավիրյալներ, Մոսկվայի հայ գաղութի մտավորական ներկայացուցիչներ: Սեղանին նախագահում է ինքը՝ Նորին Ս. Օծուխյունը: Մոսկվայի հոգևոր հովիվ Ս. Պարզե վարդապետը կրկին բարի գալուստ է մաղթում Վեհափառ Հայրապետին և առաջարկում է բաժակ բարձրացնել Վեհափառ Հայրապետի թանկագին կենացը: Ապա առաջարկվում են կենացներ Մայր Հայրենիքի բարգավաճման և Ս. էջմիածնի ու Հայոց Հայրապետության անսասանության համար: Խոսք են առնում Մոսկվայում հայ անվանի բժիշկ Հովհաննես Մնացականյանը, եկեղեցական խորհրդի անդամներ Ռուբեն Սաֆարյանը, Գրիգոր Բախրյանը, հոգեշնորհ Ս. Նիշի վարդապետ Սարգսյանը և շատ ուրիշներ: Վերջում խոսք է առնում Վեհափառ Հայրապետը և շնորհակալություն հայտնում եկեղեցական խորհրդի անդամներին և ներկաներին, օրհնում բոլորին և հորդորում է՛լ ավելի համախմբվել մեր Ս. եկեղեցու շուրջը: Նորին Վեհափառությունը, ի հիշատակ այդ հանդիպման, ներկաներին նվիրում է Ս. էջմիածնի պատկերը: Վեհափառ Հայրապետի «Պահպանիչ»-ով փակվում է սեղանը:

ՎԵՀԱՓԱՌԻ ՀԱՅՐԱՊԵՏԻ ՄԵԿԵՆՈՒՄԸ  
ՄՈՍԿՎԱՅԻՑ

Երեքշաբթի, հունիսի 3-ին, գիշերվա ժամը 10-ին, Մոսկվայի օդանավակայանում ենթվեհափառ Հայրապետին ճանապարհելու համար այնտեղ են եկել եկեղեցական խորհրդի անդամները, հավատացյալների ներ-

կայացուցիչներ՝ հոգեշնորհ Ս. Պարզե վարդապետի գլխավորությամբ: Վեհափառ Հայրապետը մի անգամ ևս շնորհակալություն է հայտնում ներկաներին և օրհնում բոլորին: Գիշերվա ժամը 11.55-ին օդանավը կտրվում է գետնից: Հակառակ որ ընդամենը տաս օր է ինչ բացակայում ենք Հայաստանից, բայց և այնպես հարազատ վայրերի կարոտն ենք բաշում և ցանկանում ժամ առաջ տեղ հասնել և վերադառնալ տուն:

Յոթը ժամ հսկա թռչունի թևերով թռչելուց հետո, մեր օդանավը արդեն սավառնում է մեր չքնաղ Հայրենիքի՝ Հայաստանի սրբազան հողի վրա: Ահա զմուխտ Սեանը իր մենաստաններով, մեր բարձրաբերձ լեռները ավաիական մարգագետիններով: Նորին Սրբությանը դիմավորելու համար օդանավակայանում են Մայր Աթոռի միաբանությունը, Երևանի ողջ հոգևոր դասը՝ գլխավորությամբ Հոգևոր Ծննդարանի վերատեսուչ գերաշնորհ Ս. Հայկազուն եպիսկոպոսի:

Վեհափառ Հայրապետին դիմավորելու է եկել նաև Հայկական ՍՍՌ Մինիստրների Սովետին առընթեր Հայ եկեղեցու գործերի խորհրդի նախագահ պր. Ս. Գասպարյանը:

Ավտոմեքենաները սուրում են դեպի Ս. էջմիածին: Մայր Տաճարի գլխավոր մուտքի առջև Վեհափառ Հայրապետը «Հրաշափառ» և «Ուրախ լին սուրբ եկեղեցի» շարականներով առաջնորդվում է Մայր Տաճար:

Հանուն Մայր Աթոռի միաբանության և պաշտոնեության, գերաշնորհ Ս. Հայկազուն եպիսկոպոսը բարի գալուստյան խոսք է ասում Վեհափառ Հայրապետին և սրտագին շնորհավորում է Նորին Սուրբ Օծուխյանը՝ Խաղաղության Համաշխարհային Մշտական Կոմիտեի կողմից խաղաղության շքանշանով պարգևատրվելու ուրախ առթիվ: Վեհափառ Հայրապետը, պատասխանելով սրբազան հոր խոսքերին, օրհնում է միաբանությունը և ժողովրդին ու նույն թափորով առաջնորդվում Վեհաբան:

ԵՂԻՇԵ ՎԱՐԴԱՊԵՏ ՍԱՐԳՍՅԱՆ

